


TEZAUUR LITURGIC

25 IANUARIE

**ACATISTUL
SOBORULUI
SF.NOI MUCENICI
ȘI
MĂRTURISITORI
AI RUSIEI
III**



MOSCOVA, 2000



Акафист

новомученикам, исповедникам

и страстотерпцам в земли

Российстей просиявшим

Кондак 1

Избранныя овцы стада Христова, Российстей земли украшение и похваление, ея нивы своею кровию напоили есте, крины райскаго сада явились есте. Верою и правдою Иисусу Христу послужили есте даже до смерти, в жизни вечней к Нему дерзновение стяжали есте. У престола Владыки всех нас поминайте, Русь Святую, ея Церковь, народ от диавольских козней сохраните, от всяких бед свободите, выну к вам вопиющих: Радуйтесь, новомученицы, исповедницы и страстотерпцы, в земли Российстей просиявшии.

Икос 1

Ангелов Творец, создавый небо и землю, светлейшими звездами новомучеников российское церковное небо украсил есть. Прославил есть вас преподобномученицы

священномученицы, мученицы, исповедницы и страстотерпцы российской. Вы же славу Владычню миру безбожному терпением мук явили есте и воссели одесную Бога Отца. Днесь прославляем вас, воспевая вам сице:

Радуйтесь, за веру Христову страдальцы богоблажении;

радуйтесь, благочестиваго во Иисусе Христе жития проповедницы.

Радуйтесь, славу мира сего отринувшии;

радуйтесь, земное мудрование плоти презревшии.

Радуйтесь, глас Пастыря Иисуса Христа услышавшии;

радуйтесь, паче Господа в мире сем ничесоже возлюбившии.

Радуйтесь, крест на рамо свое приявшии;

радуйтесь, иго сие благое до смерти не отринувшии.

Радуйтесь, исполнившии души своя желанием благ Царствия Божия;

радуйтесь, таковых благ достигшии.

Радуйтесь, ради Христа смерть приявши;
радуйтесь, ради имене Его всякую суету
презревшии.

Радуйтесь, новомученицы, исповедницы и
страстотерпцы, в земли Российстей
просиявшии.

Кондак 2

Царственный страстотерпцы Николае,
Александро, Алексие, Ольго, Татиано, Марие и
Анастасие, вы Христовым смирением
преисполени бысте, силу диаволу немощную
терпением мук низложили есте. Славу земную в
уметы вменили есте, незлобвии, кротции и
смирении до смерти пребыли есте. Всепрощение
ко врагом в сердцах своих написуя, претерпели
есте страдания плоти и духа, всечуднии.
Укрепления веры у вас испросивше,
непрестанную песнь Христу вопием: Аллилуиа.

Икос 2

Волю Владыки Христа, крест, страдание,
поругание вы безропотно прияли есте и
достойни явились царския Христовы, порфиры,
блазии. Кровь свою пролиали есте, яко воду,
самодержцы россиястии славнии. Подвигом

вашим честь воздающих, преклоняем главы,
вопиюще:

Радуйтесь, верная чада Христовы;

радуйтесь, доблии Христовы воины явльшиися.

Радуйтесь, изгнание, поругание и убиение за
Христа претерпевшии;

радуйтесь, предательство и хулы от народа
понесшии.

Радуйтесь, толпою на изгнание обреченнии;

радуйтесь, суд неправедный и немилосердный
от безбожников приявшии.

Радуйтесь, терпением духовных страданий
Христу уподобльшиися;

радуйтесь, боль сих страданий любовью ко
врагом угашавшии.

Радуйтесь, кровь свою за Христа пролившии;

радуйтесь, новомучеником ставшии
украшением.

Радуйтесь, во главе их сонма на небо
востекшии;

радуйтесь во главе их у Престола Вседержителя стоящих.

Радуйтесь, новомученицы, исповедницы и страстотерпцы, в земли Российстей просиявшие.

Кондак 3

Силою Духа Святаго укрепляеми бысте, небрегосте о немощней вашей плоти, российстии новомученицы. Аки на брак ко Христу приглашени бывше, поспешили есте в обители райския внити. Новомученицы чуднии, вам и Богу взываем в церковном собрании купно: Аллилуиа.

Икос 3

Имуще в душе уверение от Духа Святаго, волю Христа в сердцах своих написуя, повелением мучивших вас не внимали есте. Над безбожием их посмеястесь, привлекоште нас пети вам сице:

Радуйтесь, пред мучении непреклонно Христа исповедавши;

радуйтесь, вернии слуги Христовы.

Радуйтесь, Царствия Божия новии житилие;

радуйтесь, с небесе нам подающие помощь.

Радуйтесь, смиренномудрии послушницы слову Христову;

радуйтесь, до смерти вернии Евангельским заповедем пребывшии.

Радуйтесь, брега бесстрастия достигшии;

радуйтесь, плода кротости вкусившии.

Радуйтесь, нищету духовную возлюбившии;

радуйтесь, сею нищетою обогащеннии.

Радуйтесь, славное утверждение веры Христовы;

радуйтесь, вернии столпи Церкви Божия.

Радуйтесь, новомученицы, исповедницы и страстотерпцы, в земли Российстей просиявшии.

Кондак 4

Бурю диавольския ярости мучивших вас угашающе Христовым смирением, веру в Святую Троицу, - Бога Отца, Сына Божия и Духа Святаго вы воспели есте достойно. Души своя за други своя положили есте, в сердцах своих восклицаяще Богу: Аллилуиа.

Икос 4

Слыша вся земля славу вашу небесную,
страдальцы за веру Христову, новомученицы.
Соблюдосте веру и правду Евангелия,
посрамите бесовския полки. Православия
проповедницы бысте, святии, низложиште
смирением вашим врага человеков. Веру свою
ко Христу показавших, собратия, вас в
песнопениях прославляем церковных:

Радуйтесь, новаго времени многоценнии
райстии крины явльшиися;

радуйтесь, новии чудотворцы предивнии.

Радуйтесь, целебныя и нетеленныя мощи нам
подарившии;

радуйтесь, воины Святаго Духа крепции
бывшии.

Радуйтесь, дарми Духа Святаго
преисполненнии;

радуйтесь, сими дарми от Господа Иисуса
Христа ныне в раи утешаемии.

Радуйтесь, сердца своя трезвением
воспитавшии;

радуйтесь, мужески немощное плотское естество понудивший.

Радуйтесь, плоть свою духу поработивший;
радуйтесь, тем подвигоположнику Христу уподобльшийся.

Радуйтесь, праведницы Христовы изряднии;
радуйтесь, светила веры Православных.

Радуйтесь, новомученицы, исповедницы и
страстотерпцы, в земли Российстей
просиявший.

Кондак 5

Боготечные звезды Российския земли, столпы
Православия бысте и тесным прискорбным
путем востекли есте на Горний Сион. Плоть свою
распясте со страстьми и похотьми, обрели есте
благодать Святаго Духа. Путь спасения нам
указали есте, да единым сердцем и едиными
усты Богу, спасшему вас, вопием: Аллилуиа.

Икос 5

Виде вся Россия зарю чудотворений ваших, яко
Российстей державе просветление духовное и
укрепление веры память ваша явися.
Неизреченную радость на небесех имети

сподобистесь, достоуважаемии, у Престола
Святых Троицы поминайте нас, недостойных.
Подражати подвигом вашим имущее желание,
вам вопием:

Радуйтесь, новая чада нового Израиля вечного;
радуйтесь, вшедшии в Горний Иерусалим
Небесный.

Радуйтесь, жители обетованных и
долгожданных земли Авраамли;
радуйтесь, небожители вечнии.

Радуйтесь, Самого Иисуса Христа яже зрети
сподобльшиися;

радуйтесь, Пресвятую Богородицу ныне выну
созерцающих.

Радуйтесь, молитвою своею вся козни вражия
низлагающих;

радуйтесь, Духу Святому нас привлекающих.

Радуйтесь, бесстрастия ума достигшии;

радуйтесь, вся просимая благая во имя Иисуса
Христа нам подающих.

Радуйтесь, ныне имя Его непрестанно
призывающих,

радуйтесь, Царствия Божия наследницы.

Радуйтесь, новомученицы, исповедницы и страстотерпцы, в земли Российской просиявшии.

Кондак 6

Проповедует вся Церковь Российская вашу славу, блазии. Веру несумненную, надежду крепкую в Иисуса Христа вы сподобистесь имети в душе, жизни своя положите за слово Владыки Христа, исповедницы и страстотерпцы Российскойи бысте. Егда Бог богов, к вечной жизни воззовет весь род человеческий, тогда убо помяните и нас, недостойных, стояще одесную Престола Господня, тамо Ему вопиюще: Аллилуиа.

Икос 6

Возсия новый свет всей Российскойи земли, днесь новомучеников сонм Сам Владыка Христос прослави. Светом нетленным венчал я есть, мощи их нам явил есть. К вам прибегающе, не всеу труждаемся, новомученицы славнии, вопиюще:

Радуйтесь, Церкви Христовы надеждо и сило;
радуйтесь, врачи наших душ и телес.

Радуйтесь, диавола победивший словом смиренным;

радуйтесь, путь нам показавший истинного Богопочтения.

Радуйтесь, наши пред Господом заступницы;

радуясь, язвы Господа Иисуса Христа на телеса своя приявший.

Радуйтесь, испытание чистительное душ своих радостно прошедший;

радуйтесь, почести тленные славы земные презревший.

Радуйтесь, небесную славу тем стяжавший;

радуйтесь, любовью Христовою грехи мучивших вас покрывший.

Радуйтесь, молитву за ненавидящих вас проливающий;

радуйтесь, за таковую добродетель ныне дерзновение ко Господу имеющий.

Радуйтесь, новомученицы, исповедницы и страстотерпцы, в земли Российской просиявший.

Кондак 7

Царственный страстотерпцы Николае,
Алекса́ндро, Алексе́е, Ольго, Татиано, Мари́е и
Анастаси́е, вы восхотевше я́ве увидети Са́мого
Иисуса Христа, потщасте́ся во всем
благоуго́дными быти Ему́. Не обрета́ем до́вольно
словес, просла́вляющих вас, страстотерпцы,
предивни́и. Призыва́юще на по́мощь ваша
моли́твы, с дерзнове́нием Бо́гу поем: Аллилу́иа.

Икос 7

Самодержцы вели́ции, верная ча́да Росси́и,
отрекли́ся есте́ че́сти и жи́зни держа́вныя,
претерпели́ от мучивших вас поруга́ние,
изби́ение, опле́вание. Незлоблivóсть к вра́гом
показа́ли есте́, тем Христа́ просла́вляли есте́ до
смерти́, всехва́льнии. Уподобисте́ся сами́
Христу́, всепро́щение вра́гом завеща́юще,
до́стойни бы́сте ца́рственны́я че́сти в ра́и.
Правосла́вия ру́сского верная ча́да я́вились есте́,
подви́гом ва́шим укре́пися ве́ра свя́тая в Росси́и,
бла́зии. Слуги́ ваша́ прино́сят вам покая́нную
песнь, страстотерпцы́ последи́я ру́сския
ца́рския дина́стии, вам во́пиюще:

Ра́дуйте́ся, тве́рдыни и сто́лпи Правосла́вия
кре́пции;

радуйтесь, Церкви наша украшение и похвало.

Радуйтесь, заповедей Христовых вернии исполнителие;

радуйтесь, славнии слуги народа русскаго.

Радуйтесь, ему в вечности заступницы и утешители;

радуйтесь, души своя за него положившии.

Радуйтесь, новомучеником укрепление в вере;

радуйтесь, сонм новомучеников русских у Престола Владыки возглавляющии.

Радуйтесь, мучивших вас до конца возлюбившии;

радуйтесь, вся преступления их им простившии.

Радуйтесь, подвигом добрым подвизавшиися;

радуйтесь, тем ругателей ваших удивившии.

Радуйтесь, новомученицы, исповедницы и страстотерпцы, в земли Российстей просиявшии.

Кондак 8

Странное и непостижимое разумению человеков чудо днесь являете нам, доброгласнии русстии

новомученицы. Удивляемся вам зело, како в гонениях и теснотах сохранить возмогли есте благодать Святаго Духа. Вы житием своим святы есте, Отца всеблаженнаго блаженная чада есте, Сына Божия вернии друзи есте, Духа Святаго покорнии слуги, есте. Днесь велегласно вас прославляем, новоявленные рабы Христовы Церкви, Богу поюще: Аллилуиа.

Икос 8

Вся радости мира сего презревшии, святии российстии новомученицы, жертву спасительную, своя телеса, во всесожжение тучное отдати изволили есте. Мздовоздаяние славное от Бога Отца Вседержителя купно сподобилися есте прияти, вам вопием сице:

Радуйтесь, прешедшии от земли на небо в обители райския;

радуйтесь, Святую Троицу тамо выну созерцающии.

Радуйтесь, Пресвятая Богородицы вернии слуги;

радуйтесь, благодати Святаго Духа преисполненнии.

Радуйтесь, златыя мироварницы, дарми
исцелений наполнении;

радуйтесь, Царствия Божия жемчужныя бисеры
многоценнии.

Радуйтесь, благозвучныя цевницы, Ангельских
ликов сожителіе;

радуйтесь, немолчная уста, херувимскую песнь у
Престола Владычня поющая.

Радуйтесь, купно со Ангелы хвалу Пресвятей
Троице воспевающии;

радуйтесь, проповедницы славы грядущаго
Царствия Божия.

Радуйтесь, небеснии граждани и жители
вечнаго града Иерусалима, новопрославлении;

радуйтесь, всего рода христианскаго
украшение.

Радуйтесь, новомученицы, исповедницы и
страстотерпцы, в земли Российстей
просиявшии.

Кондак 9

Всякая скорбь, российстии новомученицы,
вашими молитвами утоляется, бесовстии полцы

безследно рассеиваются. Божию благодатию укрепляемии и вашею помощию свыше в мире сем ограждаемии, радостно Богу вопием:
Аллилуиа.

Икос 9

Ветия многовещаннии тщаетесь воспевати вас, святии российстии новомученицы.
Мученическою смертию прославили есте Иисуса Христа. Любвию к Нему побеждаемии, отсечение телесных членов, сожжение плоти, и потопление в водной пучине претерпели есте.
Ублажаем вас, угодницы Божии, вопиюще вам сице:

Радуйтесь, песней любви к Богу преисполнении;
радуйтесь, на небеси в лики мучеников вшедшии.

Радуйтесь, в места райская, злачная и прохладная, за терпение мук телесных внити сподобльшиися;

радуйтесь, всех скорбящих утешители.

Радуйтесь, благодати Святаго Духа преобильно вкусившии;

радуйтесь, таковую благодать терпением мук
стяжавший.

Радуйтесь, естества уставы силою Христова
смирения победивший;

радуйтесь, плоть свою ради Царствия Божия
презревший.

Радуйтесь, сердца своя Богу в жертву
принесший;

радуйтесь, божественным огнем их до конца
очистивший.

Радуйтесь, беспристрастие миру тленному
показавший;

радуйтесь, в сем благом устроении духа житие
свое скончавший.

Радуйтесь, новомученицы, исповедницы и
страстотерпцы, в земли Российстей
просиявший.

Кондак 10

Спасти хотя души наша от диавольских козней,
в последняя времена дарова нам Господь сонм
русских новомучеников, предстоятели у
подножия Своего Престола, молитвенники о
святых Русстей земли их содела, Благий. В раи

поют тии новую песнь, за Святую Русь вопиют
Ему: Аллилуиа.

Икос 10

Стена и ограждение благонадежное есте, святии
новомученицы. От Господа прияли есте власть
слепыя просвещати, хромыя исцеляти,
избавляти от недугов душевных. С мольбою и
благодарением вашим святым иконам
поклоняемся, вопиюще:

Радуйтесь новоявлению заступницы Русстей
земли;

радуйтесь, за Россию у Престола
Вседержителя вернии ходатаи и заступницы.

Радуйтесь, о русском народе умиловители и
просители;

радуйтесь, в пакибытии наша надежда и
упование.

Радуйтесь, новии адаманты Православия;

радуйтесь, новомученицы, надежду вечного
спасения нам подающие.

Радуйтесь, души своя за Евангельския заповеди
положившии;

радуйтесь, сия заповеди словом и делом исполнившии.

Радуйтесь, во Царствие Божие тем добре управлении;

радуйтесь, сего ради доблии ученицы Иисуса Христа явльшиися.

Радуйтесь, вся помышления о земных благах отринувшии,

радуйтесь, истину Христову до смерти возлюбившии.

Радуйтесь, новомученицы, исповедницы и страстотерпцы, в земли Российстей просиявшии.

Кондак 11

Ангельския силы, святителей сонм, исповедников множество прославляют вас, достойнии. Отречением плоти спасли есте души своя, непрестанно в рай о Русстей земли молитвы возносили есте. Святую Русь, нас грешных от тьмы безбожнаго жития возбудили есте. Вам и Богу всемогущему, Иисусу Христу, воздаем хвалу, вопием Ему: Аллилуиа.

Икос 11

Светозарный день всеобщаго воскресения
ожидаем, трубный глас Всемогущего Владыки
Христа услышати чаем, надежду несумненную
на ваше заступничество имамы, воспеваем вам
так:

Радуйтесь, земнии Ангели и небеснии человецы;
радуйтесь, Евангельския мудрости
преисполнении.

Радуйтесь, Христовы заповеди жизнью и
смертию утвердивши;
радуйтесь новоявлению столпи Православия.

Радуйтесь, хранители православныя веры;
радуйтесь, верных рабов Христовых друзи.

Радуйтесь, наше ограждение от диавольских
козней;

радуйтесь, малыми скорьбами в Царствие Божие
вшедшии.

Радуйтесь, тамо ныне почивающии;
радуйтесь, доблии раби Божии.

Радуйтесь, собеседницы серафимов и херувимов;

радуйтесь, в любви к Богу им уподобльшиися.

Радуйтесь, новомученицы, исповедницы и страстотерпцы, в земли Российстей просиявшии.

Кондак 12

Благодатная отрасль древа царския семьи Романовых, страстотерпцы Николае, Александро, Алексие, Ольго, Татияно, Марие и Анастасие, не лишите нас скорого своего предстательства пред лицом Иисуса Христа. Вознесите за нас своя молитвы, святии царственнии страстотерпцы. Непрестанно молитесь Христа Бога о спасении нашея земли, да тихое безмолвное житие поживем, долговременне в храмах Божиих о России Богу сподобимся петь: Аллилуиа.

Икос 12

Поюще ваше небесное житие, верная чада России, благодарим всемилостиваго Бога, явившаго вас в сие благопотребное для России время, да спасена она будет вашими молитвами от гнева Вседержителя, в сем и будущем веце. Сего ради примите наш покаянный вопль:

Радуйтесь, благодетелие народа Русскаго;
радуйтесь, образы самозабвенной службы
отчизне.

Радуйтесь, русских новомучеников и
исповедников укрепление;
радуйтесь, хранителие и наставницы отечества
Русскаго.

Радуйтесь, блаженная чада России;
радуйтесь, верная чада Христовы.

Радуйтесь, светильницы веры горящие;
радуйтесь, благочестия лампы неугасимыя.

Радуйтесь, веры православныя наставницы;
радуйтесь, любви Христовой проповедницы.

Радуйтесь, Царствие Небесное стяжавшии;
радуйтесь, кровию своею Россию оправдавшии.

Радуйтесь, новомученицы, исповедницы и
страстотерпцы, в земли Российстей
просиявшии.

Кондак 13

О преславнии новомученицы, исповедницы и
страстотерпцы, в земли Российстей
новопрославлении. С верою и упованием к
вашим святым мощем прибегаем, вашими
молитвами избавитися от власти антихриста
надежду имамы, да в будущем веце спасени
будем и Самаго Иисуса Христа зрети
сподобимся, купно с вами и ангельскими вои
Ему вопия: Аллилуиа. [3 раза, затем Икос 1,
Кондак 1].



ПОЛНЬІЙ АКАФИСТНИК КАНОНИЧЕСКІЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО